

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Oratio De Ortu, Vitae Curriculum Et Beata ex his terris migratione Reverendi viri Pietate, Eruditione, Sapientia & rerum usu praestantis Christophori Binderi Abbatis Adelbergensis**

**Hermann, Christoph**

**Tübingae, 1597**

XIII.

[urn:nbn:de:bsz:31-131212](https://nbn-resolving.org/urn:nbn:de:bsz:31-131212)

## XIII.

**D**ic mihi, de Nimpha quondam, vox sola superstes,  
 Quid tantum instituit flere colonus? Ech: onus.  
 Sed cur Aonio potati fonte queruntur,  
 Horum etiam luctus pectora quærit? Ech: erit.  
**B**INDERI forsân, qui præfulis atria seruat,  
 Morborum semen corpora lædit? Ech: edit.  
 Heu mihi sanitiem morbi populantis obibit,  
 Sincero ante omnes dogmate gnauus Ech: A V V S.  
 Heu mihi num patitur Gentilia numina Parcas,  
 Numina qui docuit vera timere? Ech: merè.  
 Annón ceu fidi pastoris munia mandant  
 Præbuit ille ouibus, pascua grata? Ech: rata.  
 Annón triste lupum stabulis, Phlegetontia monstra,  
 Degrege commisso, pellere fuerât? Ech: erat.  
 Annón si Sathanas lolium de nocte furenti  
 Sparsit agris, nouit cuncta domare? Ech: mare.  
 Annón dum vixit Iuuenum moderatus habenas  
 Odit mendaces, ora que glabra? Ech: labra.  
 Annón monstrauit, quâ mens virtute vigeret,  
 Musarum que sagax arua rigaret? Ech: aret.  
 Post hunc, dum gaudet scelerato excedere mundo,  
 Pauper ubique iacens cur ita clamat? Ech: amat.  
 Nunquid inops raptò hoc, reliquo est inuisior orbi,  
 Quam quem sacromatas Roma releget? Ech: eget.  
 Nunquid larga simul cessabunt munera? nunquid  
 Prompta manus miseris, hinc volitabit? Ech: abit.  
 Pro quibus officijs, pro qua pierate, micantis  
 Læta anima, ad cæli culmina, vadit? Ech: adit.

O si etiam nobis, cum fata subire necesse est,  
Det Pater, & Gnatus, det quoque Flamen Ech: Amen.

*Ioannes Christophorus Schlayer,  
Henrictheus, Philosophia  
studiosus, Nepos.*

## XIV.

**P**langite Pierides, cultorem plangite vestrum,  
Aony portum, confugiumque Chori.  
Nam iacet egregijs animi virtutibus auctus,  
Qui tulit in Musas, maxima dona sacras:  
Gessit & Abbatibus, fido munimine, munus,  
Præstitit & munus, sacra docendo, sacrum.  
Dives Adelbergum, sublatum plangito donum,  
Nam tuus ille Pater mortis adiuit iter.  
Mortis adiuit iter vera pietatis Imago,  
Atque sui fidus Tutor ubique gregis.  
Mortis adiuit iter miseri spes, atque patronus,  
Cuius & extentam sensit Alumnus opem.  
Ergo Christigenæ madidis nunc ora rigate  
Fletibus, haud siccas nunc decet esse genas.  
Te merito luget iam VVirtembergica tellus,  
Et cum Pierio docta Tubinga Choro.  
O quantas lachrymas, quantum luctumque creâsti,  
Dum vitale finis, optime, lumen, AVE?  
Sed quia flebilibus profundere verba querelis,  
Nil iuuat, & lachrymis ora rigare pijs:  
Tot valeant gemitus, tergamus pollice fletus,  
Non redunt mæstus, corpora humata, modis.  
His AVE mi valeas cælestibus utere donis,  
Cumque Dei sanctis gaudia mille cape.

Ioan. Christ. Gailing, Nepos.